

8.
GLORIOSA RODVLPHI
A QVAE VIVAE, ET
sociorum mors, pro religio-
ne Christi in Salseta-
nis Insulis obita.



Ex litteris P. Alexandri Valignani
Prouincialis, & aliorum.



*Quoniam, quæ fuerit Rodulphi profe-
ctio ad Regem Mogoris superiores
litteræ tradiderunt; planius hisce lit-
teris fiet, quam sibi viam munierit ad
tam illustrem Martyrii palmam; se-
prius, quis eius profectionis exitus
fuerit, exponatur. Fuit apud hunc Regem tres am-
plius annos, partim solus, partim cum vno & altero
socio. Hic quamuis multa adiret vitæ pericula, pro-
pterea quod regio tota Mahometanis atque Ethnicis
continetur; tamen Diuina prouidentia factum est, ut
barbarorum semper manus effugeret. Quo quidem
tempore omnis eius cura atque opera in eo ponebatur
ut Regem illum eosq. Populos ab Idolorum super-
stitione ad Christiana sacra traduceret. Itaque sæpe
cum Rege solus de Christianis legibus & institutis age-
bat, sæpe ea de re, Rege ipso præsentem, cum eius Sacer-
dotibus differebat; interdumque noctes totæ in his al-
tercationibus terebantur. Sane ea erat disputatis tum*

scientia, tum gratia, ut in admirationem raperet vni-
 uersos. Rex eisi in amplectenda Religione duro sem-
 per fuit ingenio (obstabant enim vitiorum illecebræ
 multæ & cupiditatū lenocinia, quibus erat maxime
 deditus) intelligebat tamen vana esse, quæ dicerentur
 à suis, nihilque ab eis solidi aut firmi contra Christi
 religionem afferri. Rodolphus toto illo triennio, quo
 apud Regem fuit, postremo præsertim anno, quo sine
 comitibus est versatus, antiquorum patrum similem
 vitam egit. Victus ei erat aridus & perexiguus; statis
 diebus inter hebdomadam abstinebat à cibis: sæpe vo-
 luntarias pœnas, ut Deum propitium Regi redderet, vl-
 tro subibat. Studia eius non libris, aut chartis, sed aut
 orando Deo, aut perdiscenda lingua Persica consume-
 bantur. & quanquam precationi plurimum erat addi-
 ctus, tamen extremo illo tempore, quo inter Barbaros
 fuit, ei rei multo se dicauit ardentius. nocturna &
 diurna spatia orando continuabat: nec enim pedem ef-
 ferre foribus consueuerat, nisi interdum adeundi Re-
 gis causa, sæpeq. euenit, ut cum se primis tenebris con-
 iecisset in preces, in eodem mane vestigio, in quo pri-
 mum institisset reperiretur. Labores, ægrotationes, in-
 commoda, quæ inter barbaros pertulit, nec pauca fue-
 re, nec leuia. Sed ea tamen diuina solatia ac cœlestes
 dulcedines compensabant. ferunt enim solitum dice-
 re, se extremis illis temporibus suæ inter Ethnicos mo-
 ra, magnam expertum esse tranquillitatem & pacem,
 ac tum deniq. ex animi vixisse sententia: ut plane ne-
 mo dubitet, quin eum Dominus ad eam gloriam, quam
 ei reseruauerat, expoliret. siquidem ex Mogoris re-
 gno ea virtutum decora reportauit, ut non ex aliqua
 Bar-

Barbarie, sed ex quadam quasi officina virtutis rediſſe videretur. Sane apud ipsos quoq. Barbaros magno in honore fuit. quem propter eximiam eius animi submissionem specimenq. virtutis, Rex cum plurimū semper dilexit, tum omni significatione iudicioq. decorauit. sed cum Regis mentem vitiorum multitudo & ingentes spiritus auferrent, nec enim laborabat aliud, nisi vt tanquam Deus aliquis, aut magnus aliquis vates haberetur; Rodolphus Prouincialem per litteras admonet, quam frustra in eo Rege curādo suscipiatur labor, & quam non operæ precium videatur, in tam sterili solo, quod nihil redderet insudare. rescribit ad eum Prouincialis, vt data à Rege potestate Goamquā primum redeat. Rex & si potestatem nullam dabat initio, vt qui tantam morum suauitatem ipse quoque gustare iam cœperat, eum tamen partim iureiurando accepto, fore vt postquam cum Prouinciali egisset, ipso approbante reuerteretur, partim etiam precibus vtētus, inusitata quadam officiū, humanitatisq. significatione dimisit. Abeunt cum multa offerret aureorū millia, ille funditus recusauit, quod diceret se, Religiosus cum esset, auro non indigere, nihilque aliud loco muneris postulare, nisi Christianum quendam Moschū cum coniuge liberisq. quos pœne Mahometanos seruitus diuturna reddiderat. Regina Mater id ferebat ægerrime. Rex tamen, pro eo quanti faciebat Rodolphum, eius postulationi facile concessit. Itaque Goam Christiani illi reducti Christianorum instituto iā viuūt atque hunc fructum inter ceteros è professione sua Rodolphus tulit. Vt igitur Goam attigit vix dici potest, quā vehementer eius insperato aspectu comple

xuq. exhilarati sint fratres, tum quia vnice diligeba-
 tur ab omnibus, tum quia ingens suspicio fuit, id quod
 ipse quoque suspicabatur, ne vel in seruitute retine-
 retur, vel denique perimeretur. Quamdiu Goa fuit
 nemo erat, qui eius sermone consuetudineq. satiari
 posset, nec modo nostris externisq. Christianis, sed ip-
 sis quoque Ethnicis admirationi fuit. Elucebat in eo
 Christiana in primis humilitas, quæ tantum illi sancti-
 moniæ nomen domi forisque pepererat, vulgo vt An-
 gelus diceretur. Cum itaque iam essent omnia ad de-
 cus Martyrum tempestiua, deessetq. Salsetano Colle-
 gio Rector, cõmodissimum visum est Prouinciali eum
 administrationi illi præficere, vt non tam suis fratribus
 dux esset ad vitam, quam signifer & Princeps ad mor-
 tem. Est Salsetana regio Peninsulæ instar, quæ ab In-
 sula Goa quodam Maris tractu seiuncta, ab Vrbe ipsa
 Goa abest passuum millia non amplius nouem, à sep-
 temtrione & Oriente latum flumen habet, ab Occiden-
 te mare Indicum, à meridie duobus riuulis & præ-
 ruptis mōtibz à continente diuiditur. ambitur vsque-
 quaque passuum millibus viginti, & Idalcanis regni
 finibus terminatur. Est autem Idalcan potens Maho-
 metanorum Rex, qui superioribus temporibus, vt finē
 bellis, quæ cū Lusitaniæ Regibus, gerebat, imponeret,
 Salsetanas ijs terras, in quibus sex & sexaginta pagi
 numerantur, possidendas concessit. Ex eo tempore
 Salseta Lusitaniæ parent Imperio. Incolarum nume-
 rus millium circiter octoginta. in his multi Brach-
 manes Ethnicarum superstitionum magistri; vt mi-
 rum videri non debeat, si gens illa multos iam annos
 Lusitanis subiecta regibus, nec longe distans à Goa,
 etiam-

etiamnum in Idolorum cultu tam pertinaciter hæreat.
In eas oras nullus ante annum 1560. Christianis con-
cionatoribus patebat aditus. Tum primum à nostris so-
cietatibus incultæ illæ desertæq. sylvæ diuino verbo excoli
ceptæ sunt. Habet autem hic Societas Collegium dissi-
mile ceterorum, nam quo commodiorem nostrum nauet
operam Ethnicis, non in iisdem sedibus habitant vni-
uersi, sed in ecclesiis sunt, tributum complures. Earum
sex numerantur præcipuæ, Curtalina, Verna, Marga-
na, Orlina, Raciolana, Mormugana: quibus in singulis
singuli Sacerdotes cum suo quisque ministro versan-
tur, præterquàm in Raciolana sede, ubi fere cum duobus
Sacerdotibus totidemq. Laicis residet Rector. Atque
horum fidei ac procurationi Seminarium quoddam pue-
rorum & Nosochomium, ubi Christiani curentur, est
creditum. In hæc loca postquam Societas penetrauit
non exiguum illa quidem Christianorum edidit fructum
sed in eis tuendis augendisq. varia sæpe ab Ethnicis
tulit incommoda. Quæ causa fuit, cur Antonius No-
ronia Prorex anno 1567. ducenta amplius delubra,
& in his sumptuosa nonnulla præter alias multas Ido-
lorum ædes incendi, æquarique solo iusserit. Ethnicis
rati id quod erat, tantas ruinas impulsu suasuq. no-
strorum editas esse, iras scilicet in nos graues inimici-
tiasq. susceperunt. & quidem quoties vlciscendi se de-
dit occasio, eam semper auide arripuerunt. Nam bello
sæpius inter Lusitanos Mahometanosq. Idalcanis
exorto; cum his coniuncti Ethnicis Christianorum
templa domosque, quæ in Salsetanis agris erant,
sacrilegis manibus incenderunt: magna etiam detri-
menta Christianis ipsis intulerunt, quorum erat fer-

me numerus decem millium . Et quamquam recens firmata pax erat , quinque tamen ex iisdem pagis à Lusitanæ deficientes imperio ad excitanda noua fana aliaq. Idolorum simulachra, publice adhibiti ut antea ritibus, redierunt . Quinetiam agere cum Prorege, Regeq. ipso non dubitarunt, sibi ut in eo perseuerare, suasq. superstitiones augere , suo arbitratu liceret . Quoniam igitur Alphonsi Pacieci opera factum nouerant, ut ea, quæ ab ipsis falso deferebantur ad Regem, illustrarentur & patefierent; eundemq. suis senserant obstare consilijs, hoc hominem acerbius oderant . Nec minori apud eos odio erat Petrus Berna, qui præterea illud effecerat, ut exercitus is, quem ad eos coercendos comes Franciscus Mascarenias miserat, ipsorum fana dirueret: non enim poterat ferre tantam creatoris iniuriam, ut qui honos rerum omnium opifici deberetur, is rebus creatis, atque adeo Diabolo ipsi tribueretur. Vaccam etiam quãdam, quæ loco numinis colebatur à Barbaris, interfecit, eiusque intestinis polluere vas propinquum non dubitauit, ubi se ad Idoli honorem ablucere superstitiosa gens consueuerat. quæ vna omnium contumelia Barbaris est visa grauißima. atque iccirco Bernam vnum ex omnibus oderant acerbissime. Sed cum eos grauiter is, quæ dixi exercitus diuexaret, pacis & veniæ causa ad Proregem mittunt, fidemq. suam, & tributa pristina pollicentur. quæ quanquam ex animo viderentur asserere; tamen per simulationem pacis vlciscendi tempus, occasionemq. captabant . Discesserat sub id tempus in Salseta Rodolphus vna cum Alphonso Pacieco, & in Curtalina sede substiterat . illic Patres frairesque,

7
quotquot in alijs erant dispersi sedibus, conuenerunt:
Ibique semestribus confessionibus rite obitis, habitaq.
à nouo Rectore cohortatione, sua quisque vota, vt fe-
rebat tempus, instaurarunt. Nec longo interiecto spa-
tio, cum de Ethnicorum conuersione, deq. inspiciendis
nostrorum sedibus sedulo actum esset, Rodolphus vna
cum socijs Coculinum statuit lustrare præcipue; tum
vt deliniendis Ethnicorum animis eos sensim ad Chri-
stiana sacra traducerent, tum vt ad extruendum tem-
plum locandamq. crucem locum aliquem legerent.
Dominico igitur die, qui dies fuit tertio Nonas Iulij
Rodolphus, & Paciecus in arce Racioli, aliq. in alijs
sedibus rem diuinam fecerunt. Nocte insequente duo
illi, quos dixi Patres, simulq. Petrus Berna Italus, &
Antonius Franciscus Lusitanus, vna cum Francisco
Aranea, qui Gaspari Goensis olim Archiepiscopi Ne-
pos erat, in Orliensem sedē conuenerunt. Interim An-
tonius Franciscus cursum sibi inscius ad præclarissi-
mū mortis genus aperiens, scribit ad Coculini prima-
rios, Rectore postridie cum alijs Patribus eo venturū
quare dent operam rogat, vt vniuersi conueniant, ha-
bere se, quæ cum illis ipsoꝝ salutis causa vna com-
municet. Rescripsit ad eas litteras è Principibus vnus
se quidem malis domesticis impeditos (extiterat enim
inter eos ex primarij viri eade dissensio) conuenire mi-
nus cōmode posse, ac pro dignitate Patres excipere; si
tamen oppidum liberet inspicere, id ipsoꝝ commodò
fieri licere. Hisce huntijs Barbarorum excitata perfidi-
a, continuo inter se deliberat, quemadmodum Pa-
tres suorum Deorum euersores, suæ legis irrisores pes-
simis exemplis discruciatos enecet; ei scilicet Trium-

phos adornans, quibus pestem exitiumque moliebatur. Nostri Idibus Iulij suo quisque sacro peracto sui ignari discriminis Coculinum rectè contendunt. Prosequebantur illius loci Christiani propemodum quinquaginta, Lusitanique in eo numero duo. Cumq. primos Coculini aditus attigissent, nemoque obuiam prodiret, placuit primum quendam virum accersere, qui apud suos plurimum auctoritate valebat. is ubi accessit, & causas, cur nemo obuiam procederet, attulisset, abeundi veniam confestim petijt: Nostri, ut maneret, cum exorare non possent, quod is occupationes nescio quas prætenderet, dimiserunt. Eius repentinus discessus suspicionem scilicet attulit. Nostri tamen obeundo pago deliberare inter sese, qui maxime locus ad construendum templum, erigendumq. sacræ crucis trophæum videretur appositus. Quod dum Ethnici quidam, siue illi casu, siue explorandi animo aduenissent, animaduertunt; rem ad alios continuo deferunt. Interim Ariolus quidam, sine quo nihil isti moluntur, clamores edere, puluerem in aerè spargere, nec quid diceret satis perspicuum, nisi dumtaxat illud, aduenisse iam tempus, quo vlcisci violatum Idolorum numen oporteret iniuriasq. eas, quæ quotidie inferebantur à Patribus. Quapropter hostes facta manu, omnes qua transeundum nostris erat, viarum aditus intercludunt. Tum primum sensere sibi Ethnicorum animos alienos. ergo ut nascentibus malis occurrant, ad suas se des reuocare se statuunt. Vix paululum redeundo processerant, cum hostium turbam post collem à tergo clamantem, ut in bellis fieri consuevit, exaudiunt: confestimq. euolant ex omni parte armati homines fere

mille; alij lanceas concutiunt, alij arcus, & mucrones
 intentant, alij vociferantur, occide occide. Nostri ve-
 ro interclusi insidijs, dum partim trepidant, vt in re su-
 bita, partim vt in ardua sese effundunt in preces; Ro-
 dulphus hortatus dicitur socios, vt mortem pro reli-
 gione tantopere expetitam, ac tam diuturna peregri-
 natione quæsitam, oblatam à Deo non modo non dubi-
 tanter, sed etiam ardenter exciperent. Aderant ho-
 stes in nostrorum cædem ardentes, & iam eminus ar-
 cus intorserant, cum Lusitanus quidam, vt se suosque
 defenderet in medium profilit, & sclopo, quem habe-
 bat, ad mouet manum. Sed ne illata vi barbaros in cau-
 sa religionis irritasse videretur, reuocat hominem Pa-
 cieus negans tum depellendi, sed subeundi periculū
 tempus esse. Ipse obuiam procedit hostibus, passisq. vt
 in amplexū manibus, mira animi trāquillitate patria
 ipsorum lingua, ne quid perturbationis metuant, hor-
 totur. Nondum cominus accesserat hostis, cum Chri-
 stianus quidam, quo Rodolphus viebatur interprete,
 Rodolpho ipsi expeditum equum offert ad fugam, quē
 tamen ille recusans, alijs potius comitibus dari iussit,
 se quidem talem mortem vitæ omni anteponere. Inter
 hæc verba adsuit illico hostium manus & ab eo cæ-
 dis fecit initium. Huic poplites primo succidit. quo
 ille vulnere procumbens in genua, intentis in cælum
 oculis, diductaque suis ipse manibus veste, nudum
 præbuit hostili ferro ceruicem. sed ne id quidem ad
 leniendam carnificis crudelitatem satis: In eas ip-
 sas ceruices, quas Christi Martyr sponte nudarat duas
 ille graues ac mortiferas plagas imposuit. Ad has
 quarta accessit, quæ humerum à reliquo corpore pe-

nè discerpſit, & ad extremum iaculi vulnus in peſto-
 re. quibus quinque vulneribus, animam ſuo edidis
 Creatori, à quo totidem redemptus eſt plagis. Atque
 huc denique Rodolphum ſua virtus prouexit, id quod
 tanto ardore ſemper expetiit; Nihil enim tam quere-
 batur cum ex Mogoris regno reuertit, quam quod in
 medijs hoſtibus nunquam ſibi ſors ſimilis obligiſſet.
 Secundus caſus eſt Franciſcus Aranea, qui in cervici-
 bus magno accepto vulnere, lateraq. haſtili trāſfixus,
 in veprem ſe abiecit exanimatus, nempe vt ad illuſtrio-
 rem Chriſti gloriam extremum ſpiritum reſeruaret.
 Tertius occiſus eſt Petrus Berna odium publicum E-
 thnicorū, qui in occipitio ita vulneratus eſt, vt ex vul-
 nere pars diſſecta penderet, altero etiam oculo telo
 traiecto, alteraq. aure media grauiter vulnerata: Ac
 ne tum quidem ſiti crudelitatis extincta, inuſitato fe-
 ritatis genere in mortui membra ſauitum eſt. Memi-
 nerant ab hoc vaccam ſuper Idoli ſedem fuiſſe maſta-
 tam, ab hoc ignes fano circundatos, & Deorum aras
 euerſas. Hic dicere ſolitus eſt, quādiu ſanguis in Co-
 culino pago non funderetur, Ethnicorum conuerſionē
 fore nullam, ſimulq. præſagire animo, ſibi eſſe in ijs re-
 gionibus moriendum. Quarta fuit Paciēci palma, cui
 barbari lanceam cum adegiffent in peſtus, extenſis
 continuo manibus Crucis in figuram, oculiſq. ſublatis
 in cælum, alteri vulnere ſeſe intrepidus offert; quod
 cum in iugulo accepiffet, exanimis concidit. Poſtremus
 Antonius Frāciſcus tum in capite, tum in reliquo cor-
 pore vulneratus, honeſtam vitam honeſtiore exitu de-
 corauit. Huic accepimus quotidianum ſollenneq. fuiſ-
 ſe, cum ſacrificaret, à Deo enixe contēdere, ſibi vt eius

*causa liceret cruciatus martyrum experiri . Cæsi
 sunt deinceps, qui comites sese nostris adiunxerant,
 omninoq. cædes fuit fere viginti, nam reliqui è medijs
 hostibus euolarunt, vt esset, qui subitum rei nuntium
 domum afferret. Tanto autem odio in Patres feri-
 tas barbarorum exarsit, vt non modo eorum comi-
 tes matura iam ætate viros, cædis periculo exæqua-
 rint, sed ne iumentorum quidem, aut puerorum neci
 temperauerint. Hac strage edita, initoq. nostrorum
 qui cæsi sunt numero, cum quattuor tantum essent in-
 uenti, quos plures fuisse constabat, quintum sollicitè
 querunt. Nam Araneam, vt dixi, pro occiso relictum
 vepres abdidit. hunc postea à muliere pastoricia indi-
 catum, extremo spiritu exanguem & confectum, &
 IESV nomen intrepide profitentem cum extraxissent,
 repente ad eum omnis generis multitudo conuolat, vi-
 rorum, feminarum, puerorūq. magnis præ lætitia cla-
 moribus gesticientium, qui quo plus Idolo suo haberent
 honoris, semel atque iterum scmiuini corpus extra-
 ctum, circum Idolum raptant. Deinde vt eorum mos
 est in reorum habenda quæstione, hominem altero tã-
 tum pede stare iubent, altero in sublime suspensio. Ido-
 lo supplicare cum iuberetur, Non sum, inquit, tam de-
 sipiēs, quam vos, qui hæc iubetis, vt lapidibus ac lignis
 Dei honores habendos putem. Illi ira incitati certo eū
 in loco constituunt, quo eminus collimarent, in eumq.
 innumerabilem iaciunt telorum sagittarumq. multitu-
 dinem. atque inter iaculandum alia alijs subinde voci-
 bus exprobrātes, hic demum templum ædificabitis, in-
 quiunt, hic Cruces vestras figetis. Atque is furor
 fuit vniuersorum, vt ne pueri quidem puellæque in*

eius corpore lacerando, suisq. manibus, mucronibus, iaculis, & præacutis sudibus configēdo animum suum satiare possent; cum è suis vlciscēdis Idolis partem aliquam laudis sibi quisque conaretur appetere. Quare & arūdines, & veruta, & alia eiusmodi tela eius cruo ore madefacta vna cum reliquo occisorum sanguine suis consecrabant Idolis, eoq. ipso, vt eorum mos est, Deorum simulacra festis clamoribus inungebant. Deniq. ita confecto laniatoq. Francisco, vulneribus aliquot in ceruice defixis, reliquum spiritum exhausserunt. Exacto per hæc scelera die, postridie prima luce interfectorum corpora, quæ strata etiam tum erant alijs quidem ad sepulturam concedi sua cuiq. permittunt; Nostrorum vero corpora per terram contumeliose tracta in puteum deiici aquæ plenum, ac ne in Christianorum manus venirent, spinis ac dumetis obtegi iubent. Duo præterea honesto loco nati adolēscētes in societatem tam illustris martyrij aggregati sunt. Brachmanes erant ambo, & in nostris adibus habitabant. eorum alter appellabatur Dominicus eiusdem Coculini oppidi incola; qui quoniam Patribus Idola, quæ comminuerent demonstrauit, ne huic quidem sui ciues pepercerunt. Alteri nomen erat Alphonsus, qui cum Pacieci Breuiarium gestaret in manibus, non prius sibi illud extorqueri passus est, quam vtraque manus abscideretur. Interfectus est alius quoque Christianus vir honestus Franciscus Rhothorigius, itemque alius Paulus Acoſta, Christianorum illius loci curator, & in adiungēdis ad Christum Ethnicis iuuandisque Patribus sedulus administer. Ex duobus comitibus Lusitanis superstes relictus est alter;

qui exceptus cuiusdam Ethnici misericordia, præsenti periculo ereptus est: aliter vero scriba Regis qui Consalius Rotherigius dicebatur, occisus. Atque hic fuit felix nostrorum Patrum obitus, qui amplificandæ promulgandæq. Christianæ Religionis causa, suas Redemptori vitas obtulerunt, ut sanguis sanguini redderetur. Hæc ut supra dixi Idib. Iul. acta sunt anno Millesimo quingentesimo octogesimo tertio. quo ipso die sunt ab hæreticis annis ante duodecim, Ignatius Azebedus comitesq. nouē & triginta, cū Brasiliam peterent, intercepti. Horum memoriam Goani Collegij socij, dum p̄s precationibus p̄ænisq. recolunt voluntarijs, hi ipsi de quibus scribimus, a Salsetanis Ethnicis mactabatur. Allatus est hic nuntius postera nocte, quam mors martyrum anteceffit, nam, ut dixi, præpropera aliquorum fuga celeres etiam attulit nuncios. Acerbissima primo visa res est nostris, quod tanta Societati præsidia vno tempore essent erepta: sed cum de more se contulissent ad preces, tantam vim diuinæ dulcedinis acceperunt tantamq. lætitiā, ut hac atque illac è suis quisque cubiculis prodeuntes, eam inter se mutuo communicarent: eum vero ardorem præferrent obeūdi martyrij, ut novos martyres tum beatos, tum sanctos, alijsque alijs nominibus appellarent. Ut autem Rotherigius Vincentius id temporis Prouincialis cum ceteris Patribus in Salseta proficisci constituit ad recuperanda humandaq. sociorum corpora; is fuit ardor vniuersorum, ut profectionem illam enixe omnes efflagitarent, magnusq. mæror inuaderet, si cui remanendum esset Goæ. non tamen omnibus, sed triginta duntaxat concessum est. Qui Coculinum cum peruenissent, atque

una cum Castri Duce occisorum corpora postulassent, patefacere ea initio barbari noluerunt: sed rebus omnibus frustra tentatis, dum tristes, mastiq. reditum parant, diuino consilio factum est, ut non sine sanctis corporibus, quæ deinde barbari protulerunt, abirent. Vix erat in Castro Riciolo, ubi tum nostri commorabantur, de martyrum exportatione nunciatum, cum aduentantibus ex oppido populus gratulabundus occurrit. Portabatur nobile feretrum à Duce, Lusitanisq. cumq. ad sacellum quoddam B. Antonio⁹ sacrum Castro ipsi propinquum vêtum est, præsto illico fuere patres, qui beata illa corpora frequenti populo, accensis cereis atque Candelis exciperent; præeunte choro modulate canentium canticum Zachariæ. In interiore sacello, tum ut studiis hominum ingentibus satisfaceret, tum ut aptius corpora ipsa componerentur; detractis integumentis multitudini ostensa sunt. Hic ea fuit omnium lætitia significatioq. pietatis, ut è nostris multi se nunquam talem expertos esse confirment. Et quamquam triduo ante necati martyres erant, atque in illius putei cæno eorum corpora delituerant, recentes tamen admodum visebantur, præcipueq. Rodolphus, cuius è vulneribus ita recens fluebat sanguis, ut si eam accepisset. multi etiam de Rodulphi corpore confirmarunt, odorem ex eo quemdam efflari iucundum; in eoq. sanguinem, qui cum ex omni vulnere, tum è ceruicibus manabat vberrimus, sic æstuisse, ac si succensis ignibus efferuesceret. Quæ res omnium animos vehementer accendit, tantusq. osculantium manus, pedesq. ac plagas impetus fuit, ut iam tum cœlestē Martyrum gloriam videre sibi quodammodo viderentur.

Multi reliquiarum aliquid studiose querebant, nec
 obfisti vlllo pacto potuit, quominus alij aspersis cruore
 sudarijs, alij reuulsis vnguibus capillisq. discederēt. ac
 Rodulpho quidē nullus nec in manibus, nec in pedibus
 remansit vnguis: tanta erat apud omnes eius existima-
 tio virtutis. Corporibus apte cōpositis sollennis quædā
 instituta est supplicatio, vt quā amplissime efferrētur.
 ea deportabantur à Patribus crebris cum funalibus
 canticisq. psalmorum, qui ad eam triumphī gloriam
 spectare potissimum videbantur. sed lachrymarū effu-
 sione tanta ex intimis orta latitijs, vt nascentis Eccle-
 siæ memoriā representaret. Etenim spectaculum erat
 eiusmodi, vt vel pectus adamantinum frangeret & in
 lachrymas gemitusque dissolueret. Ad oppidi tem-
 plum cum hac pompa delata, nocte circiter media in
 arca prægrandi condita sunt, distincta, ac suis quæ-
 que, vt internosci possent, notata nominibus. Ibi iacens
 in præsentia, quoad alio Patri nostro Generali trans-
 ferri placuerit. Postridie eius diei P. Prouincialis pro
 gratijs agendis Missæ sacrum cum cantu solenni q. ritu
 peregit. nec enim tale funus desiderare alias videbatur
 exsequias, si quidem pro fidei Catholicæ promulgatio-
 ne proq. Idolorum signis euersis appetita mors erat
 Quod & Ethnici fatebantur ipsi, & ex eorum, liquet
 epistola quadam, in qua scriptum est, iccirco patres d
 se peremptos, quod in suis regionibus cogitarent Chri-
 stianorum templa construere. Maxime perturbauit
 hic nuncius Goanam Ciuitatem, cui Rodulphi, Pacie-
 ciq. virtutes perspectæ iam erant. Quo circa ita sunt
 omnium animi in Ethnicos incitati, vt nisi pro regis nu-
 tus prudentiaq. reprimeret, ad expetendas illico pæ-

nas, vlciscendamq. Martyrum eadem vniuersi concurrerent. Sed quoniam parricidæ illi ad Idalcanem Regem confugerunt; censuit Prorex conuiuendum esse in præsentia, & in aliud tempus pœnas tanti sceleris reseruandas. Erat Rodolphus Aquaiiua Atrienfis Ducis filius annos natus tres & triginta, quarum dimidiam partē in Societate consumpserat. Aequalis ferme erat illi Paciecus Hispanus claro item loco natus: vterque magnis quibusdam donis instructus ad rem Indicam adiuuandam. Antonius Franciscus Lusitanus trigessimū agebat annum, fueratq. in Societate duodecim. Petrus Berna Italus è Gallia Cisalpina ipse quoque par erat ætate, sed sexennium in Societate confecerat; Nec multo inferior Franciscus Aranea laicus, qui duo de triginta natus annos vixerat in eadem Societate decernium. Hi omnes, vt ipsi met Ethnici cum admiratione narrabant, intrepidi mortem aut sublati in cœlum manibus, aut flexi in terram genibus exceperunt. In omnibus flos vigeat ætatis, omniumque erat opera ad Dei ministerium Societatisq. per vtilis. Sed quoniam Christi vinea Martyrum sanguine madefacta vberiores semper fœtus fundit: certissima spes est fore, vt plus ponderis habeat fusus ille nostrorum sanguis ad propagandum Christi nomen, quam eorum sudores ac nerui, si vitam corpusque seruassent.